

يرايح للصلا وبثغره الأذكار على هونك يبويه گلبي يسعر نار
جفيت النوم ومني حارت الأفكار أخاف اتفارگ الدنيا يحامي الجار

أخاف تروح يطيف الروح أخاف تروح
وتخليني بجفن دامي وگللب مجروح

يبويه امعوذ بآيات من (ياسين) أو من (عمّ) يسورة بمصحف التكوين
ترد سالم نريدك يا أبو الحسين ونعيش بحضنك الدافي ينور العين

ألم فگدك وألم بعدك يمرمرنا
وهالدينا بمأسايها تدولبنا

خوفي يبويه يختلي البيت ونعيش غربه وألم تشتيت
وبلموت ما تنفعني ياريت ولو حتى دهري الدمع صبيت

أنته إينا كافل يا منتدي الفضائل
وياهو ذخرا بعدك وللنسوة والأرامل

اسمع عتابي بالله واگعد أسألك واترجاك و انشد
لتروح هالساعة للمسجد هذا العدو لطبرتك يرصد

جفني يبويه مانام گلبي اکتوى بالآلام
مرتاعه يا حمانه كل خوفي نصبح ايتام

گلها يا حوره اصبري ابد لا تتحيري بخبر لفراگ
هالعمر جمره انطوى وللحبيب المصطفى والله مشتاگ

رايح اگضي وعدي في سجدتي الأخيره
واستعدي بعدي لجور الزمن يحوره

اصبري يمخدره ياسلية حيدرہ ويكفي اعتاب
أمر بارينا صدر اگضي بليلة قدر بهذا لمصاب

هامتي صويبه بمحرابي ياعقله
وشيبتي خضيبه ومني الدما هموله